











Қызылорда



Жаңарған қаланың жасанған келбеті

Іргесі қаланғанына екі ғасыр болған тарихи шаһар өз мерейтойын айтулы жетістіктермен қарсы алуға әзірленуде. Қызылорда қаласының әлеуметтік-экономикалық маңызды мәселелері кезек-кезеңімен шешімін тауып келеді.

Соңғы 5 жылдың ішінде Қызылорда қаласының ауыз су инфрақұрылымын дамытуға 16 млрд теңгеге жуық қаржы тартылды. Қазір еліміз бойынша қалашілік су құбырлары 70 проценти толық жаңартылған, толығымен таза жерасты ауыз суын тұтынып отырған бірден-бір қала - Қызылорда.

Шаһарда жылу желілерін жаңарту жұмыстары қарқынды жүргізілуде. Соңғы 5 жылда қаладағы магистральды жылу желілерін жаңартуға 8 млрд теңгеден астам қаржы жұмсалды.

пәтерге ие болды. Облыста атқарылған құрылыс жұмыстарының 43,8 проценти Қызылорда қаласының үлесінде. Былтыр Қызылорда қаласының бас жоспарына сәйкес Сырдария өзенінің сол жағалауынан жаңа қаланың құрылысы басталды. Сол жағалауда құрылыс компанияларының өз қаражаты есебінен 5 қабатты 18 тұрғын үй, 320 орындық балабақша, «Болашақ» университетінің студенттер қалашығы, жастар орталығы салынууда.

Соңғы 5 жылда қалада жол құрылысын дамытуға 23 млрд теңгеден астам қаржы тартылып, 500 шақырымға жуық жол орташа, күрделі жөндеуден және қайта жаңғыртудан өтті.

Гүлжазира ЖАЛҒАСОВА, «Сыр бойы».

БАЙРАҚТЫ БӘСЕКЕ БАСТАЛДЫ



Бүгін күллі әлем назар тіккен XVIII жазғы Азия ойындары басталды. Байрақты бәсеке Индонезия астанасы Джакарта мен Суматра аралының ең үлкен қаласы Палембангта өтеді.

Азиадаға мамандар қазірдің өзінде мульти-спорттық шара ретінде баға беруде. Спорт додасы 2 қыркүйекке дейін созылады. Құрлықтық жарысқа елімізден 440 спортшы қатыспақшы. Кіл мықтылар бақ сынайтын спорт додасына Сыр өңірінен 17 спортшы барады.

Сыр саңлақтары 9 спорт түрінен бақ сынаиды. Олардың ішінде Мерей Медетов байдарқа және канозде есуден сығына түссе, Мөлідр Жақырбай қаратә-додан ел намысын қорғайды. Сондай-ақ, таеквондодан Айнуер Есбергенова, самбодан Динара Қодарова, велоспорттан Роберт Гайннеев пен Асылхан Тұрар сайысқа түседі. Гандболдан ел құрамасы сапында Дана Әбілда, Мария Пустенкова, Татьяна Давыдова, Наталья Ильина, Виктория Колотинская, Вероника Хардина ойын көрсетсе, көгалдағы хоккейде Гузаль Бахаваддин мен Алиса Чепкасова құрама жейдесін киеді. Курашқа шығатын Арайлым Қанзада мен Нұрлыбек Алдабергенов белдескен қарсыласына оңайлықпен дес бермейтін палуандар. Стенд ататын Максим Коломоецтен де үміт күтуге болады.

Джакартадағы Азия ойындарында жалпы есебі 462 медаль жиынтығы сарапқа салынады. Мұның 363 жұлдесі олимпиадалық спорт түрлеріне тиесілі екенін айта кеткен жөн. Оның үстіне биыл Азия ойындарының бағдарламасынан нысана көздеу және стенд атудан командалық жарыс пен бокстан ерлер арасында ауыр салмақ дәрежесі (81 келі, 91 келі, +91 келі) алынып тасталды.

Қазақстан құрамасының барлық спортшысы кешенді-ғылыми топ мамандарымен жабдықталған. Аталған топ мүшелері Қазақстан ҰОК бастамасымен олимпиадалық спорт түріндегі командалармен жұмыс жасайды. Джакарта мен Палембангта дәрігерлер штабы, психологтар мен кешеншіл массажшылар тәулік бойы қызмет көрсетеді. Бір сөзбен айтқанда, ел намысын қорғайтын оғландарға барлық жағдай жасалған. Тек бабы мен бағы қатар келсе болғаны.

А.АҚЫЛБЕК.

ЖЕҢІМПАЗ РАЙЛА

Жерлесіміз Райла Қорғанбаева Алматы қаласында пара пауэрлифтингтен өткен ҚР чемпионатында алтын медаль иеленді.



Отбасының ұйытқысы, қызметте тәжірибелі маман, спортта чемпион атану қарапайым қазақ қызының «тастай берік, гүлдей нәзік» мінезі мен қайратын көрсетті. Таласқа толы тартысты доданың жеңімпазы Райла Қорғанбаева - «Азаматтарға арналған үкімет» мемлекеттік корпорациясы облыстық филиалының қызметкері.


Райла 15 жылдан бері мемлекеттік корпорацияның жерді іздестіру, мониторингілеу және зертханалық зерттеу басқармасында табысты қызмет атқарып келеді. Жұмыста тірлігі тиянақты қызметкердің спорттағы серпіні де таңғаларлық. Бүгінде ол - ҚР спорт шебері, 12 дүркін Қазақстан чемпионы, Қазақстан және облыс құрамасының мүшесі. Жеңіл атлетикадан жеткен жетістіктері бір төбе, сондай-ақ шахматтан, дойбыдан, қол күрестен түрлі дәрежедегі халықаралық жарыстарда, ел біріншіліктерінде жұлделі орынды еншілеген.

Жалпы спортта озық болу үшін ерекше ептілік, еселі еңбек қажет екені белгілі. Биылғы ҚР чемпионаты Райланың жауапкершілігі мен еңбекқорлығын танытып, спортшы қыздың жеке көрсеткішін жоғарылатты. Енді ол келесі жылы елордада өтетін Әлем чемпионатына дайындалады.

А.НҰРТАЙҚЫЗЫ.

ЖАҢА КІТАПТЫҢ ЖАРҚЫН БЕТТЕРІ

Ә.Тәжібаев атындағы облыстық кітапханада жазушы-журналист Жүзбай Таңрықбаевтың «Тағдырлар тоғысы» атты жаңа кітабының тұсаукесер рәсімі болып өтті.



Мерейлі сәттің ашылуында облыстық ішкі саясат басқармасының бөлім басшысы Ш.Нұрғаева мен «Сыр медиа» ЖШС бас директорының орынбасары М.Аралбаев сөз алып, тәуелсіз еліміздің тұсындағы еңбек адамдарының тағдырлы жолдарын, табысты жылдарын көркем сөзге арқау еткен авторға шығармашылық табыс тілеп, сый-сияпат табыс етті.

Мұнан соң ардагер журналист Ә.Жаппархан мен М.Шоқай ауылдық ардагерлер кеңесінің төрағасы Е.Жұмаділов кітаптың көк желегін оқыды. Қазақстан Жазушылар одағының мүшесі М.Нұрханов кітаптың мән-мазмұнына тоқталды.

Елбасының «Болашаққа бағдар: рухани жаңғыру» атты мақаласында: «Біз «Жанында жүр жаксы адам» деген сөздің байыбына бара бермейміз. Шын мәнінде, Тәуелсіздік дәуірінде өзінің еңбегімен, білімімен, өнерімен озып шыққан қаншама замандастарымыз бар. Олардың жүріп өткен жолдары - кез келген статистикадан артық көрсеткіш» - деген аталы сөздер бар.

Ж.Таңрықбаевтың жаңа кітабы дәл осы мазмұнға жауап беретін туынды. Оның жарқын беттерінде жақсы адамдардың өмір жолдары тизілген.

Тұсаукесерде белгілі кәсіпкерлер һәм руханиятшыл азаматтар Т.Әлімқұлов, Н.Қалекеев, О.Қуанышбаев сөз алып, өздеріне ардайым ақпараттық қолдау көрсетіп отырған авторға алғыс білдірді. Себебі Ж.Таңрықбаев өз қажыр-қайратымен облыстық «Кәсіпкер келбеті» газеті мен республикалық «Кәсіпкер және мәдениет» журналын үзбей шығарып келе жатқан баспасөз саласының да беделді өкілі.

Осылайша, облыстық кітапхана сөресі тағы бір ақыл азығымен толықты.

Дүйсенбек АЯШҰЛЫ, «Сыр бойы».

АЖАЛДАН ҚҰТҚАРДЫ

Жаз айларында салқындаймын деп суға түсіп, оның қаупін елемейдін салдары талайларды өкінішке қалдырып жүргені белгілі. Осындай оқиға оқиғаның бірі жуырдағы демалыс күні сәл болмағанда Шиелі ауданында да қайталанса жаздады.



Аудан көлеміндегі Бәйгеқұм көліне Қызылорда қаласынан келген бір топ демалушылардың арасындағы 22 жасар жігіт көл ортасында қайықтан секіріп түсіп, жағаға дейін жүзіп бармақшы болады. Ол көл суының ақпайтын, ауыр болатындығын ескермеген секілді. Бастанқыда малтығымен, сәлден соңақ құлашы жазылып суға бата бастайды. Оны жағаға шығарғанша, жігіттің аяқ-қол тамырлары тартылып, жүрек соғысы да бәсеңсінген. Абырой болғанда осы маңда серуендеп жүрген ерлі-зайыпты дәрігерлер Қошқарбаевтар оқиға орнынан табылып, алғашқы жедел көмекті өте сауатты атқарып шығады.

Қызылорда облыстық орталық ауруханасында хирург қызметін атқаратын Нұрбол мен облыстық балалар ауруханасының УЗИ маманы Айжан осылай адам денсаулығына төнген қауіптің бұлтын сейілтті. Іле-шала төтенше жағдай органы құтқарушыларының көмегімен жас жігіт Шиелі аудандық ауруханасына жеткізілді.

Шиелі ауданы ауруханасының терапия бөлімінің меңгерушісі Бақыт Ысмағұлованың айтуынша, жігіт ауруханаға түс мезгілінде, өте ауыр жағдайда келіп түскен. Жалғас Абдухожаев пен Ерлан Сартбаев есімді дәрігерлер ауыр жағдайда жатқан жігітті реанимация бөліміне қабылдап, шұғыл әрекет жасаған. Жігіттің тыныс алу жолдарына зақым келіп, өздігінен дем ала алмағандықтан ИВЛ аппараты қосылған. Ертесіне ғана арнайы аппарат алынып, жігіт өзі демалатын жағдайға жетті. Есін де жиынап, Реанимация бөлімінде 4 күн жатып, кейін терапия бөліміне ауыстырылды.

Жігіттің жағдайы жақсару үшін Шиелі ауданы ауруханасының қызметкерлері барынша тер төкті. Науқас өте көп мөлшерде су жұтып қойғандықтан ем-шара қабылдау барысында Ақтілек Даниярова физикалық кабинетте арнайы жаттығулар жасатып, тыныс алу жолдарын ретке келтірді. Ем-шараның барлығы нәтижелі аяқталып, 15 тамыз күні ол ауруханадан шығарылды.

Баланың ата-анасы құтқарушыларға және Шиелі аудандық ауруханасының дәрігерлеріне алғысын білдірді. «Сақтансаң - сақтаймын» дегенді естен шығармаған жөн. Барынша абай болып, қандай жағдай болмасын сақтық шараларын қамдап жүргеніңіз абзал демекпіз.

Н.НАЗЫМХАНҰЛЫ, Шиелі ауданы.

Меншік иесі СЫР МЕДИА жауапкершілігі шектеулі серіктестігі

БАС ДИРЕКТОР Аманжол ОҢҒАРБАЕВ қабылдау бөлмесі тел/факс: 8/7242/ 70-00-36
БАС РЕДАКТОР Қуат ШАРАБИДИНОВ қабылдау бөлмесі - тел: 8/7242/ 40-02-17

Бас редактордың орынбасары - 70-00-43 Жауапты хатшы - 70-00-81
Бөлімдер: руханият және ақпарат - 70-00-64, 70-00-41 экономика - 70-00-41, 70-00-68 әлеумет және саясат - 70-00-73 жарнама - 70-00-49, 70-00-52 есеп-қисап - 70-00-39, 70-00-38, компьютер орталығы және корректорлар - 70-00-34

Газет аптасына 3 рет (сейсенбі, бейсенбі, сенбі күндері) шығады.
Газет Қазақстан Республикасының Мәдениет және ақпарат министрлігі Ақпарат және мұрағат комитетінде тіркелген. Тіркеу куәлігі № 12993-Г, 27.08.2012 ж.

Қызылорда облыстық «Сыр бойы» газеті ҚР СТ ИСО 9001-2009 «Сапа менеджменті жүйесі» талаптарына сәйкес сертифицирталған. Авторларға қаламақы тапсырыс бойынша төленеді, қолжазба өңделеді және қайтарыпмайды. Жариялымдар газеттің түпкілікті көзқарасын білдірмейді. «АҚ» - ақылы қызмет.

Газет редакцияның компьютер орталығында қатталып, «Сыр медиа» ЖШС өз баспаханасында басылды. Тел.: 8/7242/ 40-06-68. Газеттің таралымы бойынша 8/7242/ 70-14-08 телефон нөміріне хабарласуға болады.

Таралымы 28732 Тапсырыс №1313